



С. М. САРЬЯН, Советская армянская литература (1941—1960),
Издательство АН Армянской ССР, 1964, 305 стр., цена 71 коп.

Ս. Մ. ՍԱՐՅԱՆ, Սովետահայ գրականություն (1941—1960), Հայ-
կական ՍՍՌ ԳԱ հրատարակչություն, 1964 թ., 305 էջ, գինը 71 կոպ.

Վերջին տասնամյակում մեղանում, մասնա-
ձորապես Մ. Արեղյանի անվան գրականության
ինստիտուտում, զգալի աշխատանք է կատար-
վել սովետահայ գրականության անցած ավելի
քան րառասնամյա ուռու գիտական ուսումնա-
սիրման ընթացվառում. լույս են տեսել առան-
ձին արժեքավոր մենագրություններ մի քանի
ականավոր գրողների մասին, հրապարակի
վրա է «Սովետահայ գրականության պատմու-
թյան» առաջին ծավալուն հատորը, արդեն
հրատարակության է պատրաստվել երկրորդ
հատորը...

Սովետահայ գրականության պրորբլեմների
քննարկմանը, նրա կուտակած փորձի գիտա-
կան ամփոփմանը իր կոլեգաների հետ միա-
սին եռանդուն մասնակցություն էր ունենում
նաև հանգուցյալ գրականագետ Սարգիս (Սա-
րիկ) Սարյանը: Այս ասպարեկում կատարած
իր ուսումնասիրությունների առաջին արդյունք-
ները հրատարակելուց հետո նա ձեռնամուխ
եղավ Հայրենական մեծ պատերազմի շրջանի
և ետպատերազմյան տարիների սովետահայ
գրականության հետազոտությանը, նպատակ ու-
նենալով հանդես գալ առանձին մի մենագրու-
թյամբ: Վերջերս հետմահու լույս տեսավ Ս.
Սարյանի «Սովետահայ գրականություն (1941—
1960)» խորագրով գիրքը ռուսերեն, որ հրա-
տարակել են Մ. Գորկու անվան համաշխարհա-
յին գրականության ինստիտուտը և Հայկական
ՍՍՌ ԳԱ Մ. Արեղյանի անվան գրականության
ինստիտուտը:

Հայրենական մեծ պատերազմի շրջանը սո-
վետահայ գրականության զարգացման կարևո-
րագույն փուլերից մեկն է, որը հատկանշվում
է ժամանակի պահանջներով պայմանավորված
մի շարք էական առանձնահատկություններով:
Հայրենասիրության, հայրենիքի պաշտպանու-
թյան, ազատագրական պայքարի մոտիվները
դառնում են առաջատարն ու որոշիչը գրական
րուր ժանրերում, առավել ցայտուն կերպով
դրսևորվում գրականության սերտ կապը կյան-
քի, ժողովրդի մեծ ու հերոսական առօրյայի

հետ: Հենց այս տեսանկյունից էլ Ս. Սարյանը
համառոտակի քննարկում է ինչպես ավագ, այն-
պես էլ միջին ու կրտսեր սերնդի գրողների
ստեղծած գրական արժեքները:

Նշելով, որ պատերազմի տարիներին առանձ-
նապես բուռն զարգացում և վերելք ապրեց սո-
վետահայ բանաստեղծական արվեստը, հեղի-
նակը ընդգծում է, որ համաժողովրդական սրխ-
րագործության ու հերոսականության գեղար-
վեստական հաստատման ձգտումը Հայկական
լայն շունչ հաղորդեց քնարերգությանը, իսկ
Հայկական կտավները հագեցրեց սրտառուչ
քնարականությամբ. սովետահայ պոեզիայի լա-
վագույն գործերում իր արտահայտությունը
գտավ էպոսի և քնարերգության օրգանական
միաձուլման պրոցեսը, որի ընթացքում ստեղծ-
վեցին գրական մի շարք փայլուն արժեքներ:
Հեղինակը անդրադառնում է հայ պոեզիայի
մեծ վարպետ Ռվ. Իսահակյանի «Մարտակոչ»,
«Հայ ճարտարապետությունը» բանաստեղծու-
թյուններին, Ն. Զարյանի «Զայն հայրենական»,
«Վաչե», «Արգարանդի խնձորները» և պատե-
րազմի շրջանում գրած այլ պոեմներին ու բա-
նաստեղծություններին, քննարկում է Ե. Սար-
յանի, Հ. Շիրազի, Խ. Հուրյանի, Բ. Բորյանի,
Հ. Սահյանի, Ս. Կապուտիկյանի, Գ. Էմինի, Ս.
Վահունու և սովետահայ մյուս պոետների այգ
տարիների ստեղծագործությունը:

Անդրադառնալով սովետահայ արձակին, Ս.
Սարյանը նշում է, որ նրա զարգացումը Հայ-
րենական մեծ պատերազմի տարիներին ընթա-
նում էր րգանապես իրար հետ կապված և փո-
խադարձաբար միմյանցով պայմանավորված
երկու հիմնական ուղղություններով. այդ ար-
ձակը, իր ամենատարբեր տեսակներով, մի կող-
մից՝ անմիջականորեն արտացոլում էր արդիա-
կանությունը՝ վերարտադրելով ռազմաճակա-
տի ու թիկունքի հերոսական առօրյան, մյուս
կողմից՝ դիմում էր պատմությանը, անցյալում
օտարերկրյա գավթիչների դեմ ժողովրդի մղած
հերոսական պայքարի դրվագներին, դրանք
իմաստավորելով ու արժեքավորելով Հայրենա-

կան մեծ պատերազմի լույսի տակ և այդպիսով դարձյալ արտահայտելով ժամանակաշրջանի ոգին՝ այս դեպքում արդեն միջնորդավորված կերպով: Այս հիմնական ստորարաժանման համաձայն էլ հեղինակը համառոտակի քննարկում է սովետահայ մի շարք արձակագիրների գործերը (ակնարկ, նոթագրություն, պատմվածք, նովել), առանձնակի տեղ հատկացնելով Դ. Դեմիրճյանի «Լարդանան» և Ստ. Զորյանի «Պապ թագավոր» նշանավոր ստեղծագործություններին, որոնք հանդիսացան սովետահայ պատմավեպի անկյունարարերը:

«Սովետահայ գրականությունը Հայրենական մեծ պատերազմի տարիներին» բաժնի վերջին հատվածը նվիրված է դրամատիկական ստեղծագործություններին: Ինչպես մյուս ժանրերում, այնպես էլ դրամատուրգիայում կենտրոնականը հայրենիքի պաշտպանության թեման էր, մեր սարդկանց հերոսականության, նրանց կամրի ուժի, բարոյական-հոգեկան վսեմ հատկանիշների գեղարվեստական հաստատման խնդիրը: Հեղինակը անուշադրության շի մատնում նաև սովետահայ դրամատուրգիայի մեջ տեղ գտած գեղարվեստական կարգի թերությունները:

Ս. Սարյանի գրքի մեծագույն մասը հատկացված է ևսպատերազմյան տարիների սովետահայ գրականությանը (էջ 91—305): Հայրենական մեծ պատերազմի հաղթական ավարտից հետո, նշում է հեղինակը, դրականության առջև կանգնած ամենահրաշապ և առաջնահերթ խնդիրներից մեկը սովետական ժողովուրդների պատմական հաղթանակի պատճառների գեղարվեստական բացահայտումն ու մարմնավորումն էր. մեր օրելի հերոսի ընկերության կազմավորման բարդ պրոցեսի վերաբերողությունը՝ գրական ամենատարբեր ժանրերում: Սակայն անհատի պաշտամունքը մեծապես խանգարում էր այս կենսական խնդրի հաջող իրականացմանը, հաճախ խաթարելով գրականության և արվեստի ինքնատի զարգացումը: ՍՄԿՊ XX համագումարը լայն հեռանկարներ բացեց նաև գրականության ու արվեստի նոր վերելքի հասարկ: «Սովետական արվեստն ու գրականությունը», — գրում է Ս. Սարյանը, — կանգնում են գեղարվեստական մտածողության՝ անհատի պաշտամունքի շրջանի համար ընդունելի և անօրինական վաժնիքներն հաղթահարելու ուղու վրա, երկատվածություն, որ իր հետ բերում էր ճշմարտության ու գեղեցկի սինթեզին հասնելու ուղղությամբ կատարվող որոնումներին խոչընդոտող դատողականություն և մակերեսային նկարագրայնություն, որն ի վիճակի չէր թափանցելու կենսական երևույթների էություն մեջ»:

Սովետական ամբողջ գրականության, այդ թվում և նրա ջոկատներից մեկը հանդիսացող սովետահայ գրականության առաջատար տեղեկները դարձավ ժողովրդի դերի առավել խոր ամրոնումը, մեծ հոգատարությունը մարդունկատմամբ, գրական ստեղծագործության հերոսների հոգեկան աշխարհի բազմակողմանի վերլուծության խորացումը: Անհամեմատ մեծացավ գրականության հասարակական հնչեղությունը: Մեր գրականությունն ու արվեստը հասան գաղափարական-գեղարվեստական նշանակալից նվաճումների: Առանձնապես բուռն զարգացում ապրեց սովետահայ արձակը: Ցույց տալով մի շարք գրողների ստեղծագործության մեջ տեղ գտած էական թերությունները, հեղինակն ընդգծում է սովետահայ արձակի ձևորեն բերած նվաճումները: Պարտիայի XX համագումարից հետո, ընդհանրացնում է նա, ժամանակակից թեմատիկան դառնում է մեր արձակի հիմնական բովանդակությունը, հետզհետե հաղթահարվում են սխեմատիզմը, տխրեցիկը, մտացածին կոնֆլիկտները: Զարգացման նոր աստիճանի է բարձրանում սովետահայ պատմվածքը, ասպարեզ են իջնում մի շարք շնորհալի երիտասարդ գրողները:

Եսպատերազմյան սովետահայ արձակը Ս. Սարյանը քննության է առնում ըստ թեմատիկայի. սոցիալիստական գյուղի պատկերումը (Ն. Զորյանի «Հացավան»-ը, Ս. Խանզադյանի «Հողը», Ա. Սեկոյանի «Ոսկե վագերի մեջ»-ը, Բ. Թափալցյանի «Ոսկե հովիտ»-ը և այլն), Հայրենական մեծ պատերազմի ժամանակաշրջանի արտացոլումը (Հր. Քոչարի «Մեծ տան զավակները», Ս. Խանզադյանի «Մեր գնդի մարդիկ», Մ. Արմենի «Յասավան»-ն, Բ. Թափալցյանի «Պատերազմ»-ը, Սիրասի «Արարատ»-ը, Բ. Հովսեփյանի «Սերմնացանները չվերադարձան» վիպակը և այլն), արդյունաբերության և սոցիալիստական բազմալի նկարագիրը (Վ. Խնդումյանի «Մեզ մոտ, հարավում», Ա. Ստեփանյանի «Ամառնամուտ», Բ. Վերդյանի «Ինչպե՞ս է գալիս երջանկությունը» և այլ վեպեր): Հեղինակը անդրադառնում է նաև արվեստի կերպերի ազգային-ազատագրական շարժումների և հայրենադարձության թեմաների գեղարվեստական մշակմանը, սովետահայ պատմվածքին ու նովելին, խոսում պատմական թեմատիկայի գեղարվեստական մշակման մասին:

Գրքում զգալի տեղ է նվիրված ևսպատերազմյան շրջանի սովետահայ պոեզիայի քննարկմանը: Այս տարիներին պոեզիան ևս ապրում է զարգացման ու հասունացման ուղագրավ պրոցես: Սկզբնական շրջանում ակնհայտորեն դրսևորվող ներբողական ոճը, ինչպես նաև ան-

կոնֆլիկտայնությունն ու սխեմատիզմը՝ պոեմի ժանրում, աստիճանարար հաղթահարվում են. ավելի ու ավելի է խորանում պոեզիայի հոգեբանական-խոհական բովանդակությունը՝ «Իհարկե,—գրում է հեղինակը,—ետպատերազմյան առաջին տարիներին, ի հակադրություն պարադային ներբողների, ստեղծվեցին նաև խոր մարդկայնությամբ հագեցված բանաստեղծություններ, որոնց մեջ արտահայտվում են հայ ժողովրդի զգացմունքներն ու խոհերը: Գրականության զարգացման պրոցեսը տեղի էր ունենում հակադիր տենդենցների ներքին պայքարի ձևով: Այն ամենը, ինչ առողջ էր, կենսական ու ճշմարտացի, պոեզիայի մեջ զարգացման նոր հորիզոններ ձևոր բերեց 1953—1956 թթ. հետո, երբ պոեզիայի գերիշխող հատկանիշները դարձան քնարերգության ակտիվացումը, ինտելեկտուալ մակարդակի բարձրացումը, հուզական կողմի հարստացումը: Պոեզիայի նոր ծաղկումը նախապատրաստվում էր նաև ետպատերազմյան առաջին շրջանում ստեղծված լավագույն բանաստեղծություններով: Այս գլխում հեղի-

նակը կանգ է առնում Ն. Զարյանի, Գ. Սարյանի, Հ. Շիրազի, Հ. Սահյանի, Գ. Էմինի, Ս. Կուպուտիկյանի, Պ. Սևակի, Մ. Մարգարյանի, Հր. Հովհաննիսյանի և սովետահայ մյուս պոետների ստեղծագործության վրա, ցույց տալով նրանց էվոլյուցիայի մի քանի կողմերն ու յուրահատկությունները:

Պրի վերջում հեղինակը համառոտակի խոսում է ետպատերազմյան տարիների սովետահայ դրամատուրգիայի մասին, նշելով այս ասպարեզում ձեռք բերված հաջողությունները, ինչպես նաև ընդհանուր բնույթի մի քանի թերություններ, որոնց ստեղծագործական հաղթահարումը այդ ժանրի հետագա զարգացման, խորացման ու կատարելագործման կարևոր գրավականներից մեկն է:

«Սովետահայ գրականություն (1941—1960)» գիրքը Ս. Սարյանի մոտ տասը տարվա աշխատանքի արգասիքն է, որը վաղամեծիկ գրականագետի վերջին խոսքը եղավ:

Հ. ՄԱՆՈՒՅԱՆ

Проблемы современной Турции. Издательство Восточной литературы, М., 1963, 219 стр., цена 70 коп.

Ժամանակակից Թուրքիայի պրոբլեմները, Արևելյան գրականության հրատարակչություն, Մոսկվա, 1963, 219 էջ, գինը 70 կոպ.

Արևելյան գրականության հրատարակչությունը վերջերս լույս բերեց «Ժամանակակից Թուրքիայի պրոբլեմները» խորագրով ժողովածուն, որտեղ զետեղված հոդվածները բնագործում են ներկայիս Թուրքիայի ներքին կյանքի գրեթե բոլոր բնագավառները: Գիրքն արժեքավոր է նրանով, որ հեղինակները փաստական նոր նյութի հիման վրա լուսարանում են պերագույնագույն վերջին շրջանի իրադարձությունները՝ 1950 թ. պետական հեղաշրջումը, 1961 թ. սահմանադրության ընդունումը, Թուրքական նոր կառավարության քաղաքականությունը հողային, քանվորական, ազգային հարցերում և այլն:

Հետաքրքրական է Ա. Պ. Բազիյանցի հոդվածը, որը նվիրված է 1960 թ. մայիսի 27-ին Թուրքիայում տեղի ունեցած պետական հեղաշրջման պատճառների քննությանը: Հեղինակը փաստերով ցույց է տալիս, որ այդ հեղաշրջումը հետևանք էր երկար տարիների բնթաղում երկրում առկա տնտեսական ու քաղաքական ճգնաժամի, որն իր հերթին սրվում ու խորանում էր ռազմամուլ շրջանների կողմից տարվող քաղաքականությանը: Թուրքիան խաղաղ պայմաններում

կես միլիոնանոց զորք է պահում (նԱՏՕ-ի բանակների մեջ երրորդը՝ ԱՄՆ-ից ու Ֆրանսիայից հետո), ամենագործուն մասնակցությունն ունենում ազրեսիվ ռազմական խմբավորումներում: Բայար-Մենդերեսի կլիկի 10-ամյա տիրապետության հետևանքով Թուրքիան ֆինանսական ճգնաժամի եզրին էր կանգնած: Դեմոկրատական կուսակցության գլխավորած կառավարությունը, նշում է հեղինակը, չկարողացավ լուծել ներքին տնտեսական ու քաղաքական և ոչ մի պրոբլեմ, ինչպես և արտաքին քաղաքականության բնագավառում ծառայած խրդիլները: Ուստի և ղինվորականությունը որոշեց պետական հեղաշրջման միջոցով իշխանությունից հեռացնել սեանկացած քաղաքագետներին՝ սոցիալական բախումներն ու քաղաքացիական պատերազմը երկրում կանխելու համար: Միանգամայն հիմնավորված պետք է համարել հեղինակի այն եզրակացությունը, թե գոյություն ունեցող սոցիալական կարգերն ու պրոբլեմներն աշխատական կողմնորոշումը անսասան թողնելու ձգտումն էր, որ միավորեց հե-